

Allanguutissatut siunnersuut

uunga

Uunga siunnersuut: Iliniartut ineqarfii pillugit inatsisartut inatsisaat nr. xx, xx. xxx 2019-imeersaq

Aappassaaneerinnermut atatillugu Naalakkersuisunit saqqummiussaq.

§ 14-imut

1. § 14, imatut oqaasertalerneqassaaq:

” § 14. Attartornermut isumaqatigiissuteqarnermi attartornermut atatillugu qularnaveeqqusiissutitut qaammammut akiliutissaq akilerneqassaaq, atugassanngortinneqartussaq ilinniartut ineqarfianni najugaqartup ineqarfimmiit nuunnermini pisussaaffigisaanut.”

§ 15-imut

2. § 15, atorunnaarpoq.

§ 16-imut (§ 15-inngortumut)

3. § 16, imatut oqaasertalerneqassaaq:

” § 15. Ineqarnermut akiliut aamma qularnaveeqqusissut aningaasanut inatsimmi annertussusilerneqassapput.”

§ 17-imut (§ 16-inngortumut)

4. *Imm. 4*, imatut oqaasertalerneqassaaq:

“ *Imm. 4*. Ilinniartut ineqarfianni najugaqartoq ilinniagaqarnermi pisartagaqarpat Naalakkersuisut ineqarnermut akiliut ilinniagaqarnermi ilanngaatisinnaavaat, tak. § 26, imm. 1, nr. 1 aamma 2 Ilinniagaqarnermiuteqarnek pillugu Inatsisartut inatsisaanni.”

§ 18-imut

5. § 18, atorunnaarpoq.

§§ 19-53 taamaasillutik §§ 17-51-inngussapput

§ 53-imut (§ 51-inngortumut)

6. § 51, imatut oqaasertalerneqassaaq:

” § 51. Malittarisassat §§ 2 aamma 3-miittut ilinniartutut inissamik tunineqartarneq pillugu § 49, imm. 2-mi eqqaaneqartutut najoqqutassani suli ilinniartut ineqarfiini najugaqartunut atuupput, ilinniartutut inissamik 1. august 2020 sioqqullugu tunineqarsimasunut. Attartornermut isumaqatigiisummik atorunnaarsitsinerni imaluunniit attartornermut isumaqatigiisummik taamaatitsinerni 1. august 2020 sioqqullugu atortuulersimasunik, ilinniartut ineqarfianni najugaqartoq ilinniartutut ineqarfimmik qinnuteqassaaq Inatsisartut inatsisaat manna tunngavigalugu.”

Siunnersuummut nassuiaatit

Nalinginnaasumik nassuiaatit

Allannguutissatut siunnersuutit saqqummiunneqarput Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliap aappassaaneerinninnermut atatillugu isumaliutissiissutaa tunuliaqutaralugu.

Ataatsimiititaliap Naalakkersuisut qinnuigisimavai aappassaaneerinninnissamut atatillugu allannguutissatut siunnersuutit saqqummiusseqqullugit. Ataatsimiititaliap ilaatigut maluginiarsimavaa ilinniagaqartut ullumikkut ilinniartunut inissamik tunineqarsinnaasut, naak inissamik allamik atugassaqaraluarlutik, 1. august 2020 aallarnerfigalugu ilinniartutut inigisaq pissarsiarereersimasartik annaassagaat, ikaarsaariarnermi aalajangersakkanik siunnersuuteqartoqarsimanngimmat. Tamatumunngalu atatillugu innersuunneqarpoq inatsisip akuersissutigineqarneratigut ilinniartut ineqarfiini najugaqartut aallaavigisaat allanngussasut, malittarisassarlu pineqartoq utimoortutut sunniuteqassasoq. Tamanna aallaavigalugu Ataatsimiititaliap Naalakkersuisut qinnuigisimavai siunnersuutip aappassaaneerineqarnissaanut atatillugu allannguutissamik siunnersuuteqaqqullugit. Allannguutissatut siunnersuut imaqassaaq piffissami ikaarsaariarfiusumi aalajangersakkanik, taamaasillunilu ilinniagaqartut ullumikkut ilinniartutut ineqarfeqartinneqareersut suli naammassisassagaat piffissami inissamik tunineqarnerminni inissamik tunineqarnissamut piumasaqaataasut.

Ataatsimiititali allu aammattaq paasisimavaa suli erseqqissisimanngitsoq ineqarnermut akiliutaalerumaartup qanoq annertussuseqarumaarnera, aammalu qaqug ineqarnermut akiliutissap aalajangersarneqartarnissaanut nalunaarutissaq atortuulissanersoq. Ataatsimiititali allu tamatumunnga atatillugu nalunaarsimavaa pisinnaatitsisoqarnissaa ineqarnermut akiliummut tunngasumik apeqquummi ersarinnerusumik maleruagassiornissamik, aallaaveqassasoq naammattumik qulaajarneqareersimassasut pisinnaatitsissutissap kingunerisassai, taamaattumillu tamanna pillugu qulaajagassat naammattumik qulaajaavigineqarsimanngitsut. Assigisaanillu taamma taamaappoq pisinnaatitsissutissamut atuinivimmik tunngavilimmik akiliuteqartarnissaq pillugu maleruagassiornissamut. Tamatumunngalu tapiliullugu Ataatsimiititaliap Naalakkersuisut qinnuigisimavai allannguutissatut siunnersuuteqaqqullugit, taamaasillunilu attartornermut akiliutaasartussanik aalajangersaanissamut aammalu atuinivimmik tunngavilimmik akiliuteqartarnissamik aalajangersakkat peerneqaqqullugit.

Inatsisissatut siunnersuummi aalajangersakkanut ataasiakkaanut nassuiaatit

Nr. 1-imut

Aalajangersagaq pisut kingunerisaannik iluarsisutaavoq, taamalu siunnersuummi § 53 atorunnaarluni. Taamatut kinguneqartitsineq tunngaveqarpoq piginnaatitsissutitut aalajangersakkap atorunnaarneranik, taamalu piginnaatitsissutitut aalajangersagaq kingusinnerusukkat atortussanngortinneqartussaajunnaarluni.

Nr. 2-mut

Allannguinerup kinguneraa akiliuteqartoqartassanngimmat atuinermut, tassalu kiassarnermut, innaallagissamut, gas-imut aamma imermut. Aalajangersakkap aallaqqaataa atorunnaarpoq siunnersuummi § 17, imm. 1-imi, maannalu nutaatut § 16, imm. 1-iulersumi ersereermat ineqarnermut akiliut akilerneqartartoq qaammatikkaartumik siumoortumik.

Nr. 3-mut

Kinguneqartitsineruvoq tunuliaqutaralugu ineqarnermut akiliutissamik annertussusiliisinnanermut aalajangersagaq peerneqarmat. Aalajangersakkap qularnaassavaa ineqarnermut akiliutissamik aalajangersaasarnermi malittarisassat atuuttut ingerlaannarnissaat. Taamaattumik atorunnaarput malittarisassat sunik isiginiaasoqarnissaanik ineqarnermut akiliummik aalajangersaasarnermi,

aammalu ingerlaavartumik akiliutissap annertussusilerneqartarnissaa. Ilutigisaanik aalajangersakkamut ilanngunneqarpoq qularnaveeqqusissutitut akiliuteqartarneq, tassami qularnaveeqqusiissummik akiliuteqartarnissamut malittarisassat atorunnaarmata, tak. nr. 5.

Nr. 4-mut

Allanngineq kinguneqartitsinerup ilagaa, atuinnermut akiliuteqartalernissamut siunnersuut atorunnaarmat.

Nr. 5-imut

Aalajangersakkap kinguneraa piginnaatitsissut ersarinnerusunik attartortarnermut maleruagassiornissamut, qularnaveeqquisiisalernissamut atuinnermullu akiliuteqartarnissamut aalajangersakkat atorunnaarnerisa. Aalajangersagaq kinguneqartitsineruvoq §§ 15 aamma 16-ip atorunnaarnerisigut.

Nr. 6-imut

Tassani pineqarpoq piffissamut ikaarsaarfiusumut aalajangersagaq, qularnaarisusaaq ilinniartut ineqarfianni najugaqartup malittarisassat atuuttut naapertorlugit Inatsisartut inatsisaata atulinnginnerani atugassiissutigineqarsimasumik, annaasaqassanngimmat ilinniartut ineqarsinnaanermik, siunnersuutip atortuulerneratigut. Tamatuma kingunerisaanik iliniartut ineqarfianni najugaqartoq assersuutigalugu illoqarfimmi ilinniagaqarfigisamini allamik inimik atugassaqartoq annaasaqassanngilaq ilinniartut ineqarfiani najugaqarsinnaanermik, Inatsisartut inatsisaata matuma atortuulerneratigut.